



Broj:
Sarajevo, 23. IX 2004.

MEDIJIMA

Predmet: SAOPŠTENJE

AGENCIJA ZA BANKARSTVO FBiH

Teroristi ne dobivaju novac preko Vakufske banke

Agencija za bankarstvo FBiH u dosadašnjim kontrolama koje je obavila u Vakufskoj banci d.d. Sarajevo nije zabilježila slučaj sumnjivih transakcija koje bi upućivale na pretpostavku da se preko te banke finansiraju terorističke aktivnosti.

Nalogom Agencije vlasnička prava Yassina al Kadija zamrznuta su u oktobru 2001. godine što je na zahtjev Agencije učinio i Registar vrijednosnih papira FBiH. Istovremeno je blokirano i osam računa, sa manjim iznosima, osoba čija su imena objavljena na listi UN osumnjičenih za finansiranje terorizma ili su na neki način imala vezu sa al Kadijem. O tome su obaviještene sve relevantne institucije u Federaciji BiH i Koordinaciono tijelo Vijeća ministara za borbu protiv terorizma koje je izvijestilo i Savjet bezbjednosti UN.

U oktobru 2001. al Kadi je bio dioničar Depozitne banke Sarajevo kod koje su bili otvoreni i pomenuti računi. Kako su u tom periodu tekle aktivnosti na pripajanju Depozitne banke Vakufskoj banci, što je okončano u martu 2002. godine, od tog vremena al Kadi se vodi kao dioničar Vakufske banke, ali i dalje sa zamrznutim svim dioničarskim pravima, uključujući i 3,4 miliona konvertibilnih maraka dioničkog kapitala. Prema tome, Yassinu al Kadiju nije dozvoljeno da na bilo koji način utiče na rad Vakufske banke. Zamrznuta prava al Kadija i blokada osam transakcijskih računa drugih lica na snazi su i danas.

Cijelo vrijeme Vakufska banka je postupala u skladu sa važećim zakonima i odlukama Agencije.

Ured FBA za informisanje

Ibrahim Polimac